

姚惜抱先生年譜



姚惜抱先

生年譜

同治戊辰孟  
夏江有蘭檢





乾嘉閒姚惜抱先生以碩學醇文爲海內倡數十年來言古文家法者大都推桐城姚氏顧先生非徒文人也其仕止進退一審於義而不苟恬靜之操高亮之節實足以風範百世而又皆率其性之所安初無矯激近名者之所爲其論學宗主程朱之義理而兼取考證家之長嘗慨當時學者以專宗漢學爲至攻駁程朱爲能倡於一二專己好名之人而相率而效者遂大爲學術之害故力持正論以救之然心平氣沖粹然德人之言從其學者濡染漸多而風氣遂爲一變至其論文之旨則以內充而後發理得而情當爲貴嘗曰氣充而靜者其聲閎而不蕩志章而檢者其色耀而不浮故爲學之要在於涵養而已聲華榮利之事曾不得以奸乎其中而寬以期乎歲月之久則必有以蓋乎今而達乎古由斯觀之先生豈直文人已耶讀其文固可想見其人而因其文名之盛遂以掩其德之醇與學之粹嗚呼其亦失之未考也已先生學行大略散見 國史文苑傳及門人所爲傳狀誌表序跋之中鄭君容甫少好先生學懼宗先生者不悉其文行本末因徧覽諸家文集及先生家藏手彙取其有徵而足信者次爲年譜一書而於先生出處之概取舍之宜論學論文之旨要尤博考而詳

載之俾讀先生書者知其本原之所在先生之學上承  
望溪方氏之緒而門人中傳其學者則以吾從兄植之  
先生爲最博且精往者吾友蘇徵君厚子旣輯有望溪  
年譜已刊行今容甫撰先生年譜成又撰次植之先生  
年譜一卷附其集後噫何其勤也世嘗言天下文章在  
桐城觀是數譜則諸先生之爲法天下而可傳後世者  
文章猶其末焉也已同治六年夏五月同里後學方宗  
誠序

序

二



姚惜抱先生年譜

同邑後學鄭福照輯

雍正九年辛亥十二月二十日先生生生時家譜不載據先生曾孫贊

云子先生姓姚氏諱鼎字姬傳一字夢穀別號惜抱

安徽安慶府桐城縣人見姚氏家譜及毛嶽生所撰墓誌銘始祖字勝

三家譜佚其名宋末自餘姚遷居桐城大有鄉之麻谿人

謂麻谿姚氏始仕顯者曰明雲南布政使右參政旭

仇直敢言嘗上書訟于忠肅冤參政四世孫自虞為

諸生子之藺為汀州府知府加按察副使銜所歷海

澄縣杭州汀州二府民皆為祠以祀參政副使仕績

姚惜抱先生年譜

一

明史皆載入循吏傳副使之子孫棐仕為職方主事

職方子文然康熙閒歷官刑部尙書數論事利害盡

蠲煩苛表定律令卒諡端恪 世宗時追論先

朝名臣思其賢 詔特祠春秋祀焉是為先生高

祖見本集長嶺肝表及家譜墓誌從孫瑩所撰姚氏先德傳桐城縣志曾祖諱士基康

熙壬子舉人為湖北羅田縣知縣有惠政卒官民立

祠祀祖諱孔鏜府學增生早卒贈編修累贈朝議大

夫祖母任氏大理寺少卿諱奕鑿女賢孝秉節上奉

姑下教二子長子翰林院編修諱範以詩古文經學

著學者稱薑塢先生次子贈朝議大夫禮部員外郎

諱淑先生考也

見長嶺肝表及家譜桐城志

母陳氏雍正甲辰進

士臨海縣知縣諱曷鑑女

見節孝陳夫人傳及家譜

弟訃字君俞

監生候選州吏目

見弟君俞權厝銘

鼎字武平乾隆甲午附

榜貢生候選州判

見家譜

乾隆元年丙辰先生年六歲

三年戊午先生年八歲姚氏自餘姚來桐城始居麻谿

南十世遷居城中先生曾祖居南門宅曰樹德堂居

四十年先生生於樹德堂八歲時宅售於張氏編修

與贈大夫乃徙北門口之宅曰初復堂

見先宅記

先生

少時家貧體弱多病而嗜學澹榮利有超然之志世

姚惜抱先生年譜

二

父編修博聞強識誦法先儒與同里方待廬

澤葉華

南

西

劉海峯大櫬諸先生友善諸子中獨愛先生每談

必令侍方先生論學宗朱子先生少受業焉尤喜親

海峯客退輒肖其衣冠為戲編修嘗問其志曰義理

考證文章殆闕一不可編修大悅卒以經學授先生

而別受古文法於海峯

見從孫瑩所撰行狀及本集劉海峯傳

十四年己巳先生年十九歲

按先生補弟子員年月可不著何歲據先生曾孫聲云在己巳歲今按文後集

望溪集外文序云惟乾隆庚午鄉試一至江甯是入

泮當在戊辰以後也

十五年庚午先生年二十歲秋舉江南鄉試

見家譜及行狀按



鄉試名次傳狀及家譜俱不載主考為番禺莊公有恭桐鄉鈕公汝驥

貢舉考畧冬偕同年張樞亭曾如京師見祭張少詹文同寓佛

寺中見祭侍潞川文

十六年辛未先生年二十一歲春試禮部不第歸時劉

海峯先生以經學應舉在京師為序送之其畧曰姬

傳甫弱冠而學已無所不窺詩賦古文殆欲壓余輩

而上之顯名當世固可前知又曰天既賦姬傳以不

世之才而姬傳又深有志於古人之不朽其射策甲

科為顯官不足為姬傳道即其區區以文章名於後

世亦非予之所望於姬傳其盛許之如此見行狀及海峯文集

姚惜抱先生年譜 三

按先生六上春官始成進士見祭侍潞川文

十七年壬申先生年二十二歲春至黟縣見西園記有貴池道中

黟縣道中出池州諸詩按本集第君俞權厝銘余

二十二歲授徒四方以為養此往黟縣或者授經於

彼與又本集左筆泉時文序云某遊京師不第而返先生招使課其諸子今按其年月不可考附記於此

秋試禮部不第按是年八月會試

十九年甲戌先生年二十四歲春試禮部不第畱京師

二十年乙亥先生年二十五歲居京師按本集答朱竹君詩云連年摘

髭取科第射策形庭語驚眾又云首春上將西出師

蟻穴初開天宇空又云落落獨為燕市飲駸駸况對

殘秋恐按朱竹君於乾隆十九年登第兩路出師征

淮夷在乙亥春此詩當為乙亥九月在京師作又再

答竹君詩云去年重九天氣佳城角黃花倚風動精

廬偶與故人來卻眺晴雲出煙洞今年重九故人死

濁酒盈尊強誰共是上年會試後畱京師也又筆  
記云江甯張君救字立人甲戌乙亥余晤之於京師

二十二年丁丑先生年二十七歲春試禮部不第

二十三年戊寅先生年二十八歲在京師靈石何季甄

思從受業見何季甄家傳秋遊揚州見贈程魚門序及酬胡業宏詩旋歸

里由潛山宿松黃梅九江至南昌十月歸見詩集

二十五年庚辰先生年三十歲春試禮部不第歸八月

二十三日丁贈朝議公艱見行狀及家譜

二十六年辛巳先生年三十一歲授經同里馬氏見馬氏左

孺人入十壽序

二十七年壬午先生年三十二歲授經同里馬氏 八

姚惜抱先生年譜 四

月二十五日配張宜人卒見家譜黃州府通判諱曾翰女見

家譜其來歸年月不可考

二十八年癸未先生年三十三歲春應禮部試中式見行

狀及家譜總裁官為金匱秦公德田滿洲德公德保錢唐王公

際華見貢舉考畧殿試二甲授庶吉士見家譜及行狀按會試殿試名次

傳狀及家譜俱不載

二十九年甲申先生年三十四歲春隨世父編修自天

津歸里見左筆泉時文序有遊三月遊揚州館

侍潞川庶常朝家五月杪旋里見祭侍潞川文按

臨安本集有平山堂送王之臨安詩知遊揚州確在是年也繼配張宜人來歸



四川屏山縣知縣諱曾敏女原配張宜人之從妹見繼室張宜人權厝志及家譜行狀冬如京師有過江浦縣徐州邳州過汶上甲王彥章詩

三十一年丙戌先生年三十六歲夏散館改主事分兵部見國史本傳

三十二年丁亥先生年三十七歲試職兵部見沈母王太恭人壽序補禮部儀制司主事見本傳及墓誌

三十三年戊子先生年三十八歲秋七月充山東鄉試副考官見行狀九月還京見詩集轉祠祭司

員外郎見行狀及家譜

三十五年庚寅先生年四十歲充湖南鄉試副考官六

姚惜抱先生年譜 五

月出都見詩集及行狀墓誌冬還京有定州遇雪詩十月初八日

長子持衡生見家譜

三十六年辛卯先生年四十一歲春正月八日世父薑

塢先生卒見家譜充恩科會試同考官見本集及行狀墓誌

先生兩主鄉試一為會試同考官多得氣節通經

士涪州周興岱昆明錢禮曲阜孔廣森其最也見行狀及墓誌

擢刑部廣東司郎中見行狀先生官刑部時廣

東巡撫某擬一重辟案不實堂官與同列無異議先

生核其情獨爭執平反之見吳德旋所撰墓表

三十八年癸巳先生年四十三歲 詔開四庫全書館

選一時翰林宿學爲纂修官諸城劉文正公統大興

朱竹君學士鈞咸薦先生以所守官入局充校辦各

省送到遺書纂修官時非翰林爲纂修者八人先生

與程魚門晉任幼植大尤稱善見行狀及四庫全書

先生從孫瑩以先生所修四庫書序論八十八首編

爲四卷付梓名惜抱軒書錄毛嶽生爲之序其中或

與提要小異蓋當時總纂官有所損益也

三十九年甲午先生年四十四歲秋乞病解官先是劉

文正公以御史薦已記名矣按文正以大學士管刑部事而金壇

于文襄敏當國雅重先生欲一出其門竟不往會文

正薨先生乃決意去見行狀及墓誌按薑塢先生

衙門已保送御史擬將來一得御史無論能自給與

否決然回家矣緘口則難此厚顏妄論則貽憂老母

云云此札墨蹟今藏於其家据此札及詩集述懷作

則先生之懷歸志已非一日會文正薨故不俟補御

史遽引四庫書局之啟由大興朱竹君學士見翰

林院貯永樂大典中多古書爲世所未見奏請開局

重修欲嘉惠學者既而奉旨搜求天下藏書畢出

於是纂修者競尙新奇厭薄宋元以來儒者以爲空

疏掇擊訕笑不遺餘力先生往復辨論諸公雖無以

難而莫能助也將歸大興翁覃溪學士方綱爲序送之

亦知先生不再出矣臨行乞言先生曰諸君皆欲讀

人未見之書某則願讀人所嘗見書耳見行狀嘉定

姚惜抱先生年譜 六



錢獻之<sup>址</sup>以考證名尤精小學先生贈之序其畧曰  
孔子沒而大道微漢儒承秦滅學之後始立專門各  
抱一經師弟傳受儕偶怨怒嫉妬不相通曉其於聖  
人之道若築墻垣而塞門巷也久之通儒漸出貫穿  
羣經左右證明擇其長說及其敝也雜之以讖緯亂  
之以怪僻猥碎世又譏之蓋魏晉之間空虛之說興  
以清言爲高以章句爲塵垢放誕頽壞迄亡天下然  
世猶或愛其說辭不忍廢也自是南北乖分學術異  
尙五百餘年唐一天下兼採南北之長定爲義疏明  
示統貫而所取或是或非未有折衷宋之時真儒乃

姚惜抱先生年譜

七

得聖人之旨羣經畧有定說元明守之著爲功令當  
明伏君亂政屢作士大夫維持綱紀明守節義使明  
久而後亡其宋儒論學之效哉且夫天地之運久則  
必變是故夏尙忠商尙質周尙文學者之變也有大  
儒操其本以齊其弊則所尙也賢於其故否則不及  
其故自漢以來皆然已明末至今日學者頗厭功令  
所載爲習聞又惡陋儒不考古而蔽於近於是專求  
古人名物制度訓詁書數以博爲量以闕隙攻難爲  
功其甚者欲盡舍程朱而宗漢之士枝之獵而去其  
根細之蒐而遺其鉅夫甯非蔽與

見本集及行狀  
按詩集有篆秋草

堂歌贈錢獻之作先生詩集實依年編次此詩在二卷末贈朱竹君詩後贈朱詩有歸校中文語乃癸巳秋作贈錢詩有長安二月春風來句當是甲午春作又有挾策那能歸下邑句似贈別語此文亦云錢君將歸江南蓋與詩同時作又列於贈程魚門陳伯思二序之前二文皆甲午作此序確爲甲午作無疑

冬十二月自京師乘風雪至山東泰安守遼東朱

子穎純孝署中除夕與子穎登泰山日觀觀日出作詩

文以紀見本集

四十年乙未先生年四十五歲春正月自泰安還京見遊

靈巖記旋卽南歸有乙未春出都留別同館諸君及汶上舟中詩

四十一年丙申先生年四十六歲朱子穎爲兩淮鹽運

使興建梅花書院延先生主之見食舊堂集序及行狀墓誌 秋至

姚惜抱先生年譜 八

揚州有泊采石泥汊阻風宿攝山寺出金陵詩 冬十月十七日次子師

古生見家譜

四十二年丁酉先生年四十七歲在揚州書院 時四

庫全書館凡纂修者皆議敘嚮之非翰林爲纂修者

八人其六盡改爲翰林矣惟先生乞病歸任幼植亦

遭艱居里大臣列二人名於章奏而稱其勞請俟其

補官更奏幼植過淮上邀先生入都先生以母老謝

幼植獨往然大臣竟不復議改官事見任幼植墓誌

四十三年戊戌先生年四十八歲閏六月一日繼室張

宜人卒於揚州書院秋八月還里見張宜人權厝銘 梁階



平相國治屬所親語先生曰若出吾當特薦先生婉

謝之集中所爲復張君書也

見行狀 按復張君書云始反一年仲弟先殞

今又喪婦知爲是年作

四十四年己亥先生年四十九歲 撰古文辭類纂七

十五卷以盡古今文體之則秋七月序之曰藁少聞

古文法於伯父薑塢先生及同鄉劉耕南先生少究

其義未之深學也其後遊宦數十年益不得暇獨以

幼所聞者寘之胸臆而已乾隆四十年以疾請歸伯

父前卒不得見矣劉先生年八十猶喜談說見則必

論古文後又二年余來揚州少年或從問古文法夫

姚惜抱先生年譜

九

文無所謂古今也惟其當而已得其當則六經至於

今日其爲道也一知其所以當則於古雖遠而於今

取法如衣食之不可釋不知其所以當而敝棄於時

則存一家之言以資來者容有俟焉於是以前聞習

者編次論說爲古文辭類纂其類十三曰論辨類序

跋類奏議類書說類贈序類詔令類傳狀類碑誌類

雜記類箴銘類頌贊類辭賦類哀祭類一類內而爲

用不同者別之爲上下編云論辨類者蓋原於古之

諸子各以所學著書詔後世孔孟之道與文至矣自

老莊以降道有是非文有工拙今悉以子家不錄錄

自賈生始蓋退之著論取於六經孟子子厚取於韓非賈生明允雜以蘇張之流子瞻兼及於莊子學之至善者神合焉善而不至者貌存焉惜乎子厚之才可以爲其至而不及至者年爲之也序跋類者昔前聖作易孔子爲作繫辭說卦文言序卦雜卦之傳以推論本原廣大其義詩書皆有序而儀禮篇後有記皆儒者所爲其餘諸子或自序其意或弟子作之莊子天下篇荀子末篇皆是也余撰次古文辭不載史傳以不可勝錄也惟載太史公歐陽永叔表志敘論數首序之最工者也向歆奏校書各有序世不盡傳

姚惜抱先生年譜

十

傳者或僞今存子政戰國策序一篇著其概其後目錄之序子固獨優矣奏議類者蓋唐虞三代聖賢陳說其君之辭尙書具之矣周衰列國臣子爲國謀者誼忠而辭美皆本謨誥之遺學者多誦之其載春秋內外傳者不錄錄自戰國以下漢以來有表奏疏議上書封事之異名其實一類惟對策雖亦臣下告君之辭而其體少別故寘之下編兩蘇應制舉時所進時務策又以附對策之後書說類者昔周公之告召公有君奭之篇春秋之世列國士大夫或面相告語或爲書相遺其義一也戰國說士說其時主當委質



爲臣則入之奏議其已去國或說異國之君則入此編贈序類者老子曰君子贈人以言顏淵子路之相違則以言相贈處梁王觴諸侯於范臺魯君擇言而進所以致敬愛陳忠告之誼也唐初贈人始以序名作者亦眾至於昌黎乃得古人之意其文冠絕前後作者蘇明允之考名序故蘇氏諱序或曰引或曰說今悉依其體編之於此詔令類者原於尙書之誓誥周之衰也文誥猶存昭王制肅強侯所以悅人心而勝於三軍之眾猶有賴焉秦最無道而辭則偉漢至文景意與辭俱美矣後世無以逮之光武以降人主

姚惜抱先生年譜

十一

雖有善意而辭氣何其衰薄也檄令皆諭下之辭韓退之鱷魚文檄令類也故悉傳之傳狀類者雖原於史氏而義不同劉先生云古之爲達官名人傳者史官職之文士作傳凡爲圻者種樹之流而已其人旣稍顯卽不當爲之傳爲之行狀上史氏而已余謂先生之言是也雖然古之國史立傳不甚拘品位所紀事猶詳又實錄書人臣卒必撮序其平生賢否今實錄不紀臣下之事史館凡仕非賜諡及死事者不得爲傳乾隆四十年定一品官乃賜諡然則史之傳者亦無幾矣余錄古傳狀之文並紀茲義使後之文士

得擇之昌黎毛穎傳嬉戲之文其體傳也故亦附焉  
碑誌類者其體本於詩歌頌功德其用施於金石周  
之時有石鼓刻文秦刻石於巡狩所經過漢人作碑  
文又加以序序之體蓋秦刻琅邪具之矣茅順甫譏  
韓文公碑序異史遷此非知言金石之文自與史家  
異體如文公作文豈必以效司馬氏爲工耶誌者識  
也或立石墓上或埋之壙中古人皆曰誌爲之銘者  
所以識之之辭也然恐人觀之不詳故又爲序世或  
以石立墓上曰碑曰表埋乃曰誌及分誌銘二之獨  
呼前序曰誌者皆失其義蓋自歐陽公不能辨矣墓

姚惜抱先生年譜

十一

誌文錄者尤多今別爲下編雜記類者亦碑文之屬  
碑主於稱頌功德記則所紀大小事殊取義各異故  
有作序與銘詩全用碑文體者又有爲紀事而不以  
刻石者柳子厚紀事小文或謂之序然實記之類也  
箴銘類者三代以來有其體矣聖賢所以自戒警之  
義其辭尤質而意尤深若張子作西銘豈獨其理之  
美耶其文固未易幾也頌贊類者亦詩頌之流而不  
必施之金石者也辭賦類者風雅之變體也楚人最  
工爲之蓋非獨屈子而已余嘗謂漁父及楚人以弋  
說襄王宋玉對王問遺行皆設辭無事實皆辭賦類



耳太史公劉子政不辨而以事載之蓋非是辭賦固當有韻然古人亦有無韻者以義在託諷亦謂之賦耳漢世校書有辭賦畧其所列者甚當昭明太子文選分體碎雜其立名多可笑者後之編集者或不知其陋而仍之余今編辭賦一以漢畧爲法古文不取六朝人惡其靡也獨辭賦則晉宋人猶有古人韻格存焉惟齊梁以下則辭益侏而氣益卑故不錄耳哀祭類者詩有頌風有黃鳥二子乘舟皆其原也楚人之辭至工後世惟退之介甫而已凡文之體類十三而所以爲文者八曰神理氣味格律聲色神理氣味

姚惜抱先生年譜

三

者文之精也格律聲色者文之粗也然苟舍其粗則精者亦胡以寓焉學者之於古人必始而遇其粗中而遇其精終則御其精者而遺其粗者文士之效法古人莫善於退之盡變古人之形貌雖有摹擬不可得而尋其跡也其他雖工於學古而跡不能忘揚子雲柳子厚於斯蓋尤甚焉以其形貌之過於似古人也而遽擯之謂不足與於文章之事則過矣然遂謂

非學者之一病則不可也

見古文辭類纂序目及姚氏先德傳是書後興縣

康中丞紹鏞刻諸粵東道光四年門人吳啟昌以先生於是書應時更定沒而後已康刻所據乃十餘年前本其後增刪改竄甚多乃以定本重刊於金陵姚椿書古文辭類纂後云嘗請於先生謂其中棄取

有未盡人能解者先生謂是固有意其棄者大抵  
爲有俗氣其取者則以廣文之體格使有所取法

四十五年庚子先生年五十歲主講安慶敬敷書院

庚子

子至丁未主講敬敷書院凡八年

二月爲門下士孔檢討廣森作

儀鄭堂記曰六藝自周時儒者有說孔子作易傳左  
邛明傳春秋子夏傳禮喪服禮後有記儒者頗哀取  
其文其後禮或亡而記存又雜以諸子所著書是爲  
禮記詩書皆口說然爾雅亦其傳之流也當孔子時  
弟子善言德行者固無幾而明於文章制度者其徒  
猶多及遭秦焚書漢始收輯文章制度舉疑莫能明  
然而儒者說之不可以已也漢儒家別派分各爲崑

姚惜抱先生年譜

四

門及其末造鄭君康成總集其全綜貫繩合負閎洽  
之才通羣經之滯義雖時有拘牽附會然大體精密  
出漢經師之上又多存舊說不掩前長不覆己短觀  
鄭君之辭以推其志豈非君子之徒篤於慕聖有孔  
氏之遺風者與鄭君起青州弟子傳其學旣大著王  
肅駁難鄭義欲爭其名僞作古書曲傳私說學者由  
是習爲輕薄流至南北朝世亂而學益壞自鄭王異  
術而風俗人心之厚薄以分嗟夫世之說經者不蘄  
明聖學詔天下而顧欲爲己名其必王肅之徒者與  
曲阜孔君搗約博學工爲詞章天下方誦以爲善搗



約顧不自足作堂於其居名之曰儀鄭自庶幾於康成遺書告余爲之記搆約之志可謂善矣昔者聖門顏閔無書有書傳者或無名蓋古學者爲己而已以搆約之才志學不怠又知足知古人之善不將去其華而取其實擴其道而涵其藝究其業而遺其名豈特詞章無足矜哉雖說經精善猶未也以孔子之裔傳孔子之學世之望於搆約者益遠矣雖古有賢如康成者吾謂其猶未足以限吾搆約也

見本集

冬選

隆萬天崇及

國朝人四書文二百五十一首授敬

敷書院諸生課讀以欽定四書文爲主而增益後

姚惜抱先生年譜

五

來名家及小題文其序畧曰讀四書文者欲知行文體格及因題立義因義遣辭之法故無取乎多若夫行氣說理造句設色一皆求之於古人徒讀四書文則終身不能過人也伏讀聖諭有云先正名家

之法置而不講經史子集之書束而不觀今學者之病豈不在此夫曰課鄙陋濫惡世之所謂墨卷者積至千篇必須千日千日之功費於無用科名得失初不在此徒自葳塞心胷闡蔽知慧而已陳紫瀾官詹生平止讀震川稿及伯思戶部仲思檢討亦皆未嘗知所謂墨卷者其父子亦何嘗不掇取科名假令前

輩如方百川王耘渠諸君舍其所學而讀墨卷亦終  
於諸生而已何也命爲之也獨其文之佳惡則非命  
之所主是在有志者爲之爾見敬敷書院課  
讀四書文序目

四十八年癸卯先生年五十三歲夏六月作老子章義

序見本  
集

五十年乙巳先生年五十五歲秋九月二十四日側室

梁氏生子執雉見家  
譜

五十二年丁未先生年五十七歲秋八月五日丁陳太

恭人艱見家  
譜

是年先生與伯兄亭人昭  
字奉編修及

伯母張太宜人合葬長嶺祖墓側又葬繼室張宜人

姚惜抱先生年譜

六

於編修張太宜人塚右見長嶺  
阡表

五十三年戊申先生年五十八歲主講歙縣紫陽書院

見歙胡孝  
廉墓誌

秋初歸里

見與汪稼門尺牘  
尺牘云去歲已堅辭

與馬魯成  
安慶書院

而撫藩爲商不欲其閒居薦主紫陽  
書院將來擬就之少助買山貲耳

長子持衡補

郡庠生見家譜及與  
馬魯成尺牘

五十五年庚戌先生年六十歲主講江甯鍾山書院見  
程

綿莊文集序  
自庚戌至嘉  
慶庚申主鍾山書院十一年

五十六年辛亥先生年六十一歲春合葬贈朝議公及

陳太恭人於桐城北鄉孔城八角亭北

家譜未載何  
歲今據與馬

魯成尺牘及與孔  
信夫子廣廉尺牘



五十七年壬子先生年六十二歲夏四月作左傳補注

序見本集 秋長子持衡舉江南鄉試見家譜 門人新

城陳用光核刻先生文集十卷先生以內有須刪訂

者不欲傳播屬勿更印見與秦小峴書及與陳石士尺牘

六十年乙卯先生年六十五歲修族譜依古世表之法

率橫列而注歷職生卒妻子於其下欲其文簡而易

檢也見族譜序及與馬魯成尺牘

嘉慶元年丙辰先生年六十六歲秋八月門人朱則泊

則澗以先生所著九經說十二卷鋟板於旌德見九經說

陶定申跋 秦小峴觀察致書稱先生學問文章先生復

姚惜抱先生年譜 七

書其畧曰某嘗謂天下學問之事有義理文章考證

三者之分異趨而同為不可廢一途之中歧分而為

眾家遂至於百十家同一家矣而人之才性偏勝所

取之徑域又有能有不能焉凡執其所能為而毗其

所不為者皆陋也必兼收之乃足為善某夙以是望

世之君子今亦以是上陳之於閣下而已見本集按此文敘

及胡維君舉孝廉方正事据丁巳歲與維君尺牘云

聞給頂帶部議已至此文則云孝廉之舉不得亦無

恨知確為丙辰作也 二年丁巳先生年六十七歲九經說刻成見與陳石

江甯諸生為刻三傳國語補注見與胡維君尺牘 與翁覃

溪書曰某昔在館中見宋元人所註經卷袤甚大而其間足存之解或僅一二條而已以爲何須爲是繁耶故愚見有所論但專記之如是歷年所記每經多者數十條少則數條而已謂之私說不敢謂之註至於三傳較諸經稍輕乃名之補注分成兩書今年諸門徒遂取以刊板某固知其不免謬妄今各以一部上呈不知亦堪以一二條之當見取者乎

見尺牘

自

定詩集十卷付梓次年夏刻成

見與陳石土尺牘按詩集初名得五樓

稿見海峯丁亥歲與先生手札

三年戊午先生年六十八歲春二月以所選五七言今

姚惜抱先生年譜

六

體詩鈔付梓於金陵其序曰天下之是非有不可得而淆也而人以己意決之則不能不淆其不淆者必其當於人心之公意者也人心之公意雖具於人人而當其始無一人發之則人人之公意不見苟發之而同者會矣論詩如漁洋之古詩鈔可謂當人心之公者也吾惜其論止古體而不及今體至今日而爲今體者紛紜歧出多趨譌謬風雅之道日衰從吾遊者或請爲補漁洋之闕編因取唐以來詩人之作宋錄論之分爲二集十八卷以盡漁洋之遺志雖然漁洋有漁洋之意吾有吾之意吾觀漁洋所取舍亦時



有不盡當吾心者要其大體雅正足以維持詩學導  
啟後進則亦足矣其小小異同嗜好之情雖公者不  
能無偏也今吾亦自奮室中之說前未必盡合於漁  
洋後未必盡當於學者然而存古人之正軌以正雅  
祛邪則吾說有必不可易者世之君子其亦以攬其  
大者求之聲病之學肇於齊梁以是相沿遂成律體  
南北朝迄隋諸詩人警句率以儷偶調諧正可謂之  
律耳阮亭五言古詩中既已錄之今不更載所載斷  
自唐人陳拾遺杜修文沈宋曲江此爲開元以前之  
傑鈔初唐五言今體詩一卷盛唐人詩固無體不妙

姚惜抱先生年譜

九

而尤以五言律爲最此體中又當以王孟爲最以禪  
家妙悟論詩者正在此耳鈔王孟詩一卷常建以下  
十五人又一卷盛唐人禪也太白則仙也於律體中  
以飛動票姚之勢運曠遠奇逸之思此獨成一境者  
鈔太白詩一卷杜公今體四十字中包涵萬象不可  
謂少數十韻百韻中運掉變化如龍蛇穿貫往復如  
一綫不覺其多讀五言至此始無餘憾余往昔見蒙  
叟箋於其長律轉折意緒都不能了頗多謬說故詳  
爲詮釋之鈔杜詩二卷中唐大歷諸賢尤刻意於五  
律其體實宗王孟氣則弱矣而韻猶存貞元以下又

失其韻其有警拔蓋亦希矣今鈔葦蘇州以下二十一人爲一卷劉夢得以下十二人爲一卷晚唐之才固愈衰然五律有望見前人妙境者轉賢於長慶諸公此不可以時代限也元微之首推子美長律然與香山皆以多爲貴精警缺焉余盡不取惟玉谿生乃略有杜公遺響耳今鈔晚唐以玉谿爲冠合十八人共一卷夫文以氣爲主七言今體句引字賒尤貴氣健如齊梁人古色古韻夫豈不貴然氣則躡矣楊升庵專取爲極則此其所以病也初唐諸君正以能變六朝爲佳至盧家少婦一章高振唐音遠包古韻此

姚惜抱先生年譜

三

是神到之作當取冠一朝矣鈔初唐七言今體詩一卷右丞七律能備三十二相而意興超遠有雖對榮觀燕處超然之意宜獨冠盛唐諸公子鱗以東川配之此一人私好非公論也鈔盛唐詩一卷杜公七律含天地之元氣包古今之正變不可以律縛亦不可以盛唐限者鈔杜詩一卷大歷十子以隨州爲最其餘諸賢亦各有風調至於長慶香山以流易之體極富贍之思非獨俗土奪魄亦使勝流傾心然滑俗之病遂至濫惡後皆以太傅爲藉口矣非慎取之何以維雅正哉鈔中唐詩一卷玉谿生雖晚出而才力實



爲卓絕七律佳者幾欲遠追拾遺其次者猶足近掩  
劉白第以矯敝滑易用思太過而僻晦之敝又生要  
不可不謂之詩中豪傑士矣鈔玉谿詩一卷附溫詩  
數首然於玉谿爲陪臺非可與並立也唐末詩人才  
力旣異於前而習俗所移又難振拔故傑出益少然  
亦未嘗無佳句也鈔晚唐五代詩一卷西崑諸公之  
擬玉谿但學其隸事耳殊滯於句下都成死語其餘  
宋初諸賢亦皆域於許渾韋莊輩境內歐公詩學昌  
黎故於七律不甚留意荆公則頗留意矣然亦未造  
殊妙今自宋初至荆公兄弟共爲一卷東坡天才有

姚惜抱先生年譜

三

不可思議處其七律只用夢得香山格調其妙處豈  
劉白所能望哉山谷刻意少陵雖不能到然其兀傲  
磊落之氣足與古今作俗詩者澡濯胸胃導啟性靈  
鈔蘇黃詩一卷蘇門諸賢附焉放翁激發忠憤橫極  
才力上法子美下攬子瞻裁制旣富變境亦多其七  
律固爲南渡後一人其餘如簡齋茶山誠齋諸賢雖  
有盛名實無超詣今爲略采一二逮於宋末併附放  
翁之後鈔南宋詩一卷見今體詩鈔序目 秋八月  
半後攜長子持衡遊吳中遂至西湖作古今體詩四  
十餘首九月杪還江甯見與陳石  
士尺牘

四年己未先生年六十九歲補刻詩集五卷十卷之半

見與陳石  
士尺牘

五年庚申先生年七十歲冬江甯諸生合為鐫刻文集

十六卷 見與陳石  
士尺牘

六年辛酉先生年七十一歲先生以年衰畏涉江濤改

主敬敷書院二月至皖 見與陳石士尺牘 自辛酉  
至甲子主敬敷書院四年

七年壬戌先生年七十二歲冬十一月赴六安州為修

志書 見與陳石  
士尺牘

十年乙丑先生年七十五歲移主鍾山書院先生已至

皖矣四月鐵冶亭制軍 鐵遣人固邀至金陵先生因

姚惜抱先生年譜 三

有買宅居金陵之意 見跋天發神識刻文及與陳石  
士尺牘 自乙丑至乙亥主講

鍾山書院  
十一年

十一年丙寅先生年七十六歲刻法帖題跋一卷先生

自謂所論書理有勝前賢處 見與陳石  
士尺牘

十三年戊辰先生年七十八歲長子持衡大挑得知縣

改近發江蘇 見家譜及與  
陳石士尺牘 今體詩鈔刊行後先生

復加刪訂十月續溪程邦瑞校付劂刷 見今體詩  
鈔程跋

十四年己巳先生年七十九歲九經說刻成後先生復

有所論增益舊文合得十七卷冬門人陶定申為補

錄於江甯 見九經  
說陶跋



十五年庚午先生年八十歲秋鄉試與陽湖趙甌北兵備翼重赴鹿鳴宴 詔加四品銜先生神明如五

六十時行不撰杖兵備年亦八十二觀者以爲盛見行

狀

長子景衡

持衡改名

署儀徵縣知縣

見與周希甫尺牘

冬

十二月十八日作程綿莊文集序其畧曰孔子之道一而已孔子沒而門弟子各以性之所近爲師傳之真有舛異交爭者矣況後世不及孔子之門而求遺言以自奮於聖緒墜絕之後者與其互相是非固亦其理然而天下之風必有所宗論繼孔孟之統後世君子必歸於程朱者非謂朝廷之功令不敢違也以

姚惜抱先生年譜

三

程朱生平行己立身固無愧於聖門而其論說所闡發上當於聖人之旨下合乎天下之公心者爲太且多使後賢果能篤信遵而守之爲無病也若其他欲與程朱立異者縱於學者有所得焉而亦不免賢智者之過其下則肆焉爲邪說以自飾其不肖者而已今觀綿莊之立言可謂好學深思博聞強識者矣而顧惜其好非議程朱蓋其始厭惡科舉之學而疑世之尊程朱者皆束於功令未必果當於道及其久意見益偏不復能深思熟玩於程朱之言而其辭遂流於蔽陷之過而不自知近世如休甯戴東原其才本

超越乎流俗而及其爲論之僻則過有甚於流俗者  
綿莊所見大抵有似東原後有得綿莊書而觀之必  
有能取其所當取者

見後集

十六年辛未先生年八十一歲江甯太守呂某延先生  
爲修府志

見與陳石士尺牘

門人陳用光校刻莊子章義

於湖北

見程瀚莊子章義跋

十八年癸酉先生年八十三歲長子景衡署江都縣知

縣

見與陳石士尺牘

十九年甲戌先生年八十四歲在書院猶與諸生講論

不倦耳目聰明齒牙未豁著讀之暇惟靜坐爲主行

姚惜抱先生年譜

函

步輕健如飛見者以爲神仙中人

見從孫瑩識小錄按先生主講江甯

甯安慶書院歲常以二三月往冬閒旋里閒留書院度歲茲不詳具

是年里中大旱

邑令陽湖呂某忽出示徵收錢糧民情惶駭先生致

書院撫胡果泉侍郎

克家

極言災重畝不可徵並致書

呂令言之事乃得寢其書畧曰今年敝邑遭此大荒

側聞閣下敕令邑中巨戶出穀平糶以蘇窮民此善

政所被雖出嚴令而人心悅服夫何有異說也至於

饑歲官賑在事理爲常而司庫非充災處甚廣籌餉

甚難亦不得不姑減災歎分數以爲權宜之說然遂

謂可以征賦上供則必不可計邑中沿江沿湖圩田



固爲有收者然此等據地不多恐不能及一縣地十分之一且有無錯雜極難於履勘閣下或於報災之中指名所在鄉保剔出此十分之一或並此統歸一例爲災田固在仁明酌行其可蓋邑中豐收之年此田往往被潦以其少也難於剔出求免亦只歸統報也至於此外闔境災黎雖有田畝而糜粥不充蠲緩所不待言苟復事徵求恐其患不知所底計今閣下必已盡舉民瘼申告上憲而某桑梓之情復瀆台覽區區鄙懷實爲淺陋所望諒恕而已

家陳刻尺牘未之載其致胡中丞札稿則亂後已佚矣

按此札原稿先生曾孫聲藏於

姚惜抱先生年譜

五

二十年乙亥先生年八十五歲長子景衡題補泰興縣

知縣

見與陳石土尺牘

先是先生居江甯久喜登攝山嘗

有卜居意未決遷延不果歸七月微疾九月十三日

卒於江甯書院門人共治其喪

見行狀墓誌

二十四年

同前配張宜人合葬桐城南鄉大楊樹灣鐵門

見家譜及

墓誌

先生貌清而癯而神采秀越風儀閒遠與人言

終日不忤而義所不可則確乎不易其所守

見本傳及行狀

性仁愛雖貧乏樂贍姻族邑兩大祲旣書列荒政緩

急又出貲以倡

見墓誌

先生爲學博集漢儒之長而折

衷於宋

見本傳

自少及耄未嘗廢學雖宴處常靜坐終

曰無情容有來問則竭意告之喜導人善汲引才雋如恐不及以是人益樂就而悅服雖學術異趣者亦忘爭焉南康謝蘊山方伯語人曰姚先生如醴泉芝草使人見之塵俗都盡青浦王蘭泉侍郎集海內人詩至先生曰姬傳藹然孝弟踐履醕篤有儒者氣象禮恭親王薨遺教必得姚某爲家傳德化陳東浦方伯未卒前一歲屬先生曰某死必得先生文以誌吾墓新城魯絜非以文章名江右始學於閩中朱梅崖先生於當世文少所推許獨心折先生以爲不及乃渡江就訪使諸甥受業其爲世推重如此

見行狀及姚氏先德

姚惜抱先生年譜

三

傳

先生之受經學於編修也編修之學以博爲量而取義必精於書無所不窺論辨條記甚多而不肯撰述編修旣沒先生欲修輯遺說編纂成書而不就仿曰知錄例成經史各一卷曰援鵠堂筆記以授姪孫瑩使卒其業且戒之曰纂輯筆記此卽著書不可苟作大約欲少而精不欲多而蕪近人著書以多爲貴此但取欺俗人耳吾閱之乃無有也

見行狀

自康熙朝

方侍郎

苞

力講求古文義法天下始知宗尙歸氏熙

甫以上追司馬子長韓退之劉海峯學博繼之天下以爲古文之傳在桐城先生親問法於海峯然自以



所得爲文又不盡用海峯法

見行狀及李兆洛所撰傳

其論文根

極於性命而探源於經訓至其淺深之際有古人所

未嘗言獨挾其微而發其蘊

見本傳

紆徐卓犖擗節鑿

括託於筆墨者淨潔而精微如道人德士接對之久

使人自深蓋學博論文主品藻侍郎論文主義法先

生後出尤以識勝知有以取其長濟其偏止其敝

見門

人方東樹書墓誌後

論者以爲辭邁於方氏而理深於劉氏焉

見本傳

詩從明七子入而以融會唐宋之體爲宗旨所

選今體詩見者皆以爲精當

見本傳

先生於當代公卿

不爲過譽作江上攀轅圖記但美孫文靖厚於故交

姚惜抱先生年譜

毛

作王文端神道碑數十年宰相一事不書

見門人管同因寄軒

文集及爲袁簡齋作墓誌有疑之者先生曰隨園雖不

免有遺行其文采風流有可取亦何害於作誌第不

得述其惡轉以爲美耳

見與陳石士尺牘及陳用光所撰行狀

書逼董

元宰蒼逸時欲過之

見吳撰墓表

卽率爾筆札皆有儒者

游藝氣象

見毛嶽生休復居文集

主講席者四十年諳諳以誨

迪後進爲事

見本傳

所至士以受業先生爲幸或越千

里從學

見行狀

平生誨人輒以爭名爲戒

見書錄毛嶽生序

以

謙慎韜晦爲要

見與劉明東書

嘗言爲文必本諸躬行屢以

己身缺然爲憾

見姚椿晚學齋文集

門弟子知名甚眾其尤著

者上元管同梅會亮同邑方東樹劉開而歛縣鮑桂  
星新城陳用光江甯鄧廷楨最爲顯達至私淑稱弟

子者則宜興吳德旋寶山毛嶽生華亭姚椿同邑張

聰咸皆以文學著述稱名見姚氏先德傳生平所修廬州府

志據與陳石士尺牘廬州志惟沿革一門出先生手六安州志江甯府志官

書別刻外文後集十卷詩後集一卷筆記八卷未及

刊而卒姚椿以刻資屬梅會亮於道光元年刊行見狀及筆記

梅會亮姚氏先德傳道光十年皖撫題請入祀鄉賢祠見家譜及

前配張宜人生一女適張元輯繼配張宜

姚惜抱先生年譜

三

室梁氏生一子執雉以執雉後從兄義輪景衡字庚

甫生一子誦師古字籀君生一子寶同執雉字彥耿

生一子酉見家譜曾孫以下未備考焉



姚惜抱先生年譜附錄

文目編年

乾隆庚辰年三 副都統朱公墓誌銘

壬午 聖駕南巡賦

甲申 遊媚筆泉記見本集左筆  
泉時文序

丁亥 送右庶子畢公爲鞏秦階道序 四川川北道

按察副使鹿公墓誌銘

戊子 山東鄉試策問五首

己丑 贈武義大夫貴州提標右營遊擊何君墓誌銘

庚寅 湖南鄉試策問五首

姚惜抱先生年譜

完

年二十至四十 左仲郭浮渡詩序 吳荀叔杉亭集

序 高常德詩集序

壬辰年四  
十二 張仲絮時文序

癸巳 贈孔撝約假歸序 內閣學士張公墓誌銘

甲午 贈錢獻之序 贈程魚門序 贈陳伯思序

鄭大純墓表 羅太孺人墓表 光祿大夫刑部尙

書贈太傅錢文端公墓誌銘 晴雪樓記

乙未 登泰山記 遊靈巖記 泰山道里記序見與  
陳石

士尺 遊雙谿記 觀披雪瀑記

丙申 亡弟君俞權厝銘 祭林編修澍蕃文据孔撝  
約林編

修諫林君卒  
於丙申九月

丁酉 劉海峯先生八十壽序

按海峯祭張開中文云昔在康熙之辛丑初託

子以交契愧學業之未成年甫臻於廿四据此則丁酉年八十也

宋雙忠祠碑文

荆條河朱氏先墓表

原任少詹事張君權厝銘

翰林院庶吉士侍君權厝銘

祭張少詹曾敞文

祭侍潞川文

戊戌

繼室張宜人權厝銘

復張君書

己亥

寶扇樓後記

祭劉海峯先生文

按縣志云十四年卒年

八十二本集海峯傳作八十三誤

庚子

漢廬江九江二郡沿革表

儀鄭堂記

姚惜抱先生年譜

三

年四十五

食舊堂集序

鄭太孺人六十壽序

据孔搗約林編修諫此為林編修澍蕃母作

蕭孝子祠堂碑文

左眾

郭權厝銘

年三十至五十

張冠瓊遺文序

何孺人節孝詩跋

後 答翁學士書

復孔搗約論禘祭文

送龔友

南歸序

辛丑

年五十一

旌表貞節大姊六十壽序

据張氏譜

祭朱竹

君學士文

据疑年錄

癸卯

老子章義序

明贈太常卿山東左布政使張

公祠碑文



丁未 丹徒王氏秀山阡表

戊申 章母黃太恭人墓誌銘

庚戌 香巖詩稿序 陳約堂六十壽序見與陳石  
士尺牘

陶慕庭八十壽序 隨園雅集圖後記

年五十至六十 代州道後馮氏世譜序 書夫子廟

堂碑後 復曹雲路書在安慶  
書院作 復魯絜非書 贈

承德郎刑部主事鄭君墓誌銘

辛亥年六  
十一 兵部侍郎巡撫貴州陳公墓誌銘 張貞

女傳 江上攀轅圖記据小倉山  
房詩集

壬子 左傳補注序 晚香堂集序 方坳堂會試硃

姚惜抱先生年譜 三

卷跋尾見與謝蘊  
山尺牘 十一世祖南安嘉禾詩卷跋

河南孟縣知縣新城魯君墓表 疏生墓碣 汪玉

飛墓誌銘

癸丑 散拙堂詩集序刊本題云五十  
八年四月序 金焦同遊圖

記

甲寅 海愚詩鈔序 謝蘊山詩集序据文內子穎遺  
集某方為之序

而先生集亦適來云云此  
文蓋與海愚詩序同時作 鄉黨文擇雅序刊本題  
五十九

年六  
月序 梅二如古文題辭 伍母陳孺人六十壽序

建昌新城陳母揚太夫人墓誌銘据與陳石士尺  
牘此文實壬子

歲作而敘葬期為甲寅歲且敘及癸  
丑年事當是刻集時有所增益也

乙卯 族譜序 劉念臺先生淮南賦跋尾 家鐵松

中丞七十壽序 彙香七叔父八十壽序 陳東浦

方伯七十壽序 据本集陳方伯墓誌 陝西道監察御史興化

任君墓誌銘 按與馬魯成尺牘云頃為任子田作墓誌頗自喜惜乏人為寫寄之吾於十月

內當歸家其時陳石士來訪吾也又喜陳石士至舍詩云初冬言趨家霜風隕門柳又云懷此三改歲述

別自癸丑今夏寄書說定當訪衰叟据此知為乙卯作也 夏縣知縣新城魯君

墓誌銘 見喜陳石士至舍詩 鮑君墓誌銘 按與鮑雙五尺牘云為令祖大人撰

墓誌已成今以稿寄觀衡兒去秋自太原至汾今當自汾州入京矣又甲寅夏與陳石士尺牘云今令衡

兒往山西投兩通家覓一館亦為來春會試資也据此則為鮑作墓誌及與雙五札皆當在乙卯歲也

嘉慶丙辰 復秦小峴書

姚惜抱先生年譜

三

丁巳 重修石湖范文穆公祠記 方正學祠重修建

記 陳氏藏書樓記 見與陳石士尺牘

戊午 禮箋序 小學考序 復東浦方伯書 按詩集於

鏞板此文云詩集已刻成而陳方伯卒於己未正月故知為是年作 蔣生墓碣 袁

隨園君墓誌銘 郭君墓誌銘 陳孺人權厝志

常熟歸氏宗祠碑記 峴亭記

己未 孫文介公殿試卷跋尾 王禹卿七十壽序 据本

集王君墓誌

庚申 左筆泉先生時文序 陳約堂七十壽序 見與

士尺牘



年六十至七十 西魏書序 荷塘詩集序 張宗道

地理全書解序 停雲堂遺文序 徐六階時文序

恬庵遺稿序 述庵文鈔序 選擇正宗序 與

許孝廉慶宗書 答袁簡齋書 再復簡齋書 再

復簡齋書 答魯賓之書 方晞原傳 印松亭家

傳 節孝陳夫人傳 方染露傳 嚴冬友墓誌銘

孔信夫墓誌銘 廣州府澳門同知贈中憲大夫

翰林院侍講張君墓誌銘 江蘇布政使德化陳公

墓誌銘 方待廬先生墓誌銘 奉政大夫江南候

補府同知仁和嚴君墓誌銘 歛胡孝廉墓誌銘

姚惜抱先生年譜

高澗邢君墓誌銘 江蘇布政使方公墓誌銘 記

江甯李氏五節婦事 西園記 袁香亭畫冊記

少邑尹張君畫羅漢記 据桐城志張烜浙江鄞縣人乾隆五十六年閒為桐城

縣承 吳塘別墅記 孫忠愍公祠記

年五十至七十 書攷工記圖後 復蔣松如書 復

談孝廉書 書制軍六十壽序 朱竹君先生傳

程養齋暨子心之家傳 張逸園家傳 此文敘逸園次子鴻恩為

延平知府据張氏譜鴻恩於乙巳歲至延平此文蓋乙巳後作

辛酉 年七十一 陳仰韓時文序 按文前集於庚申付梓辛酉刻成此文在前集序跋

卷末文內有生見余於江甯從余遊十二年之語按先生庚戌至江甯距辛酉恰十二年文當為是歲作

吳伯知八十壽序

壬戌

節母張孺人傳

此文壬戌作今乃在前集當是刻成後補入也

廬州

府志序

刊本題云七年十月序

安徽巡撫荆公墓誌銘

中

憲大夫雲南臨安府知府丹徒王君墓誌銘

萬松

橋記

按此文既云七年九月橋成又云六年八月記當有誤字

癸亥

南園詩存序

据南園集刊本

姚休那先生墓表

甲子

朝議大夫戶部四川司員外郎吳君墓誌銘

新城陳君墓誌銘

見與陳石土尺牘

中憲大夫杭嘉湖道

長沙周君墓誌銘

見與周希甫尺牘

乙丑

復姚春木書

吳石湖家傳

修職郎礪山縣

姚惜抱先生年譜

三

教諭瞿君墓表

中憲大夫松太兵備道章君墓誌

銘 順天府南路同知張君墓誌銘

孫母許太恭

人墓誌銘

丙寅

馬儀顓夫婦雙壽序

禮恭親王家傳

見與吳敵如尺

牘及與陳石士尺牘

石屏羅君墓表

婺源洪氏節母江孺

人墓表

蘇獻之墓誌銘

浮梁知縣黃君墓誌銘

節孝堂記

甯國府重修北樓記

丁卯

吳禮部詩集序

夏南芷編年詩序

潘孝子

贊

贈光祿寺少卿甯化伊君墓誌銘

封文林郎

巫山縣知縣金壇段君墓誌銘

中議大夫太僕寺



卿戴公墓誌銘 資政大夫光祿寺卿甯化伊公墓

誌銘 姚氏長嶺阡表

戊辰 禮終集要序 梅湖詩集序 吳孝婦傳題後

吏部左侍郎譚公神道碑文 見與陳石 十尺牘 張母鞠

太恭人墓誌銘 重修境主廟記 遊故崇正書院

記 先宅記

己巳 方恪敏公詩後集序 贈中憲大夫湖廣道兼

管河南道監察御史孟公墓表 見與孟曹 舟尺牘 禮部員

外郎懷甯汪君墓誌銘 安慶府重修儒學記 代

庚午 晉乘蒐略序 望溪先生集外文序 程綿莊

姚惜抱先生年譜 壽

文集序 馬母左孺人八十壽序 見桐城 馬氏譜 印庚實

傳 朝議大夫臨安府知府江君墓誌銘 贈朝議

大夫戶部郎中福建臺灣縣知縣陶君墓誌銘 中

憲大夫陳州府知府陳君墓誌銘 見與陳石 十尺牘

辛未 年八 十一 跋方望溪先生與鄂張兩相國書稿後

方母吳太夫人壽序 伍母馬孺人六十壽序 通

奉大夫四川布政使姚公墓誌銘 晉鎮南大將軍

于湖甘敬侯墓重修記

壬申 贈奉直大夫翰林院編修鄧君墓誌銘 周青

原墓誌銘 朱海愚運使家人圖記

癸酉 疑年錄序 新修宿遷縣志序 博山知縣武

君墓表 贈中憲大夫武陵趙君墓表 方母吳太

夫人墓表

甲戌 種松堂記 餘霞閣記 祭方葆巖文

乙亥 稼門集序 跋史閣部書後 見與吳敬如尺牘 贈奉

政大夫刑部郎中南康縣儒學教諭鄱陽胡君墓誌

銘 實心藏銘

年七十一至八十五 何季甄家傳 此文在前集然當為辛酉後作

尚書辨偽序 滇繫序 河渠紀聞序 方氏文忠

房支譜序 重雕程貞白先生遺稿序 見與陳石士尺牘

姚惜抱先生年譜 姜

朱二亭詩集序 石鼓硯齋文鈔序 蔣澄川詩集

序 陶山四書義序 跋吳天發神識刻文 張花

農詩題辭 左蘭城詩題辭 與王鐵夫書 復劉

明東書 答蘇園公書 復汪孟慈書 許春池學

博五十壽序 沈母王太恭人七十壽序 吳殿麟

傳 方恪敏公家傳 鄒母包太夫人家傳 程樸

亭家傳 周梅圃君家傳 據與周希甫尺牘此文作於墓誌後 甯化

三賢像贊 光祿大夫東閣大學士王文端公神道

碑文 中憲大夫保正清河道朱公墓表 臧和貴

墓表 廣西巡撫謝公墓誌銘 通奉大夫廣東布



政使許公墓誌銘 贈文林郎鎮安縣知縣婺源黃

君墓誌銘 光祿少卿沈君墓誌銘 誥贈中憲大

夫刑部員外郎瀘溪縣教諭楊府君墓誌銘 舉人

議敘知縣長洲彭君墓誌銘 中憲大夫順德府知

府王君墓誌銘 吉州知州喻君墓誌銘 知縣銜

管石碑場鹽課大使事師君墓誌銘 中憲大夫開

歸陳許兵備道加按察使銜彭公墓誌銘 王母潘

恭人墓誌銘 太子少保兵部尚書總督江南河道

提督軍務兼右副都御史徐公墓誌銘 中議大夫

兩廣鹽運使司鹽運使蕭山陳公墓誌銘 奉政大

姚惜抱先生年譜

三

夫順天府南路同知歸安沈君墓誌銘 甘氏享堂

記

年歲未詳文目 范蠡論 伍子胥論 翰林論 李

斯論 賈生明申商論 晏子不受邾殿論 議兵

郡縣考 項羽王九郡考 莊子章義序 包氏

譜序 醫方捷訣序 孝經刊誤書後 辨逸周書

讀司馬法六韜 辨賈誼新書 讀孫子 書貨

殖傳後 辨鄭語 跋夏承碑 復汪進士輝祖書

復休甯程南書 孫母張宜人八十壽序 鍾孝

女傳 陳謹齋家傳 淮南鹽運通判張君墓誌銘

記蕭山汪氏兩節婦事

快雨堂記

以上前集

五嶽

說 胡玉齋雙湖兩先生易解序 句容裴氏族譜  
序 高涇港口李氏族譜序 跋鹽鐵論 跋列子

跋許氏說文

跋顏魯公與郭僕射論坐位帖

跋王子敬辭令帖

跋聖教序

跋褚書聖教序

跋顏魯公送劉太沖序

跋褚書陰符經

跋李北

海麓山寺碑

書朱子語略後

復欽君善書

復

吳仲倫書

黃徵君傳

劉海峯先生傳

太常寺

卿萊陽趙公遺像贊

中議大夫通政司副使婺源

王君墓誌銘

抱犢山人李君墓誌銘

以上後集

姚惜抱先生年譜

三



惜抱先生於濬昌曾祖爲從兄弟先生親受業於吾高祖薑塢府君而先大夫又受業門牆濬昌生晚距先生沒不相及者幾二十年過庭之際麤聞懿德文章嘗欲爲先生循年編事顧慙謏陋不敢撰述聞鄭君容甫有是編頃以公幹過安慶乃得受而讀之於先生生平頗具搜摭之力因亟速其付梓俾世之誦法先生者於品詣之所在與功力之次第皆如燭之明數之計而濬昌亦藉以抒十餘年未酬之隱謹書其後以志慶幸同治戊辰孟春濬昌謹跋

